

সারাদেশ

ব্রাহ্মণবাড়িয়ায় ১,৫০০ ইয়াবাসহ দুই মাদক কারবারি গ্রেপ্তার

প্রতিবেদক: ব্রাহ্মণবাড়িয়া প্রতিনিধি

প্রকাশের তারিখ: সোমবার, ১০ আগস্ট ২০২৬, ০৯:১৭ PM



ব্রাহ্মণবাড়িয়ার আখাউড়ায় ১ হাজার ৫০০ ইয়াবা ট্যাবলেটসহ দুই মাদক কারবারিকে গ্রেপ্তার করেছে পুলিশ। এ সময় তাঁদের কাছ থেকে একটি নম্বরবিহীন সিএনজিচালিত অটোরিকশা জব্দ করা হয়।

শনিবার (৯ আগস্ট) সন্ধ্যা সাড়ে ৬টার দিকে গোপন সংবাদের ভিত্তিতে আখাউড়া থানা পুলিশের একটি বিশেষ দল উপজেলার মনিয়ন্দ ইউনিয়নের মনিয়ন্দ মধ্যপাড়া এলাকায় অভিযান চালায়। এ সময় একটি নম্বরবিহীন সিএনজিচালিত অটোরিকশা আটক করে তল্লাশি চালানো হয়। পরে অটোরিকশাটি থেকে ১ হাজার ৫০০ ইয়াবা ট্যাবলেট উদ্ধার করা হয়। এ ঘটনায় দুই মাদক কারবারিকে গ্রেপ্তার করে পুলিশ।

গ্রেপ্তার ব্যক্তির নাম নরসিংদীর শিবপুর উপজেলার কারারচর এলাকার মৃত সোহেল মিয়ার ছেলে সুজন মিয়া এবং ব্রাহ্মণবাড়িয়ার বাজুরামপুর উপজেলার দড়িকান্দি এলাকার কাজী ইদ্রিস মিয়ার ছেলে কাজী রাব্বি। তাঁদের বর্তমান ঠিকানা ব্রাহ্মণবাড়িয়ার নবীনগর উপজেলার মাঝিয়ারা এলাকায়।

জেলা পুলিশের মিডিয়া উইং থেকে পাঠানো এক সংবাদ বিজ্ঞপ্তিতে এসব তথ্য নিশ্চিত করা হয়েছে।

পুলিশ জানায়, এ ঘটনায় আখাউড়া থানায় একটি মাদক মামলা করা হয়েছে।

এ বিভাগের আরও খবর



চাঁদার ৫০ হাজার টাকা না দেওয়ায় ব্যবসায়ীকে হাভুড়িপেটার অভিযোগ
নওগাঁর মান্দায় ৫০ হাজার টাকা চাঁদা না দেওয়ায় এক ব্যবসায়ীকে হাভুড়ি ও লোহার রড দিয়ে মারধরের অভিযোগ উঠেছে।
বৃহস্পতিবার (১৩ আগস্ট) বেলা ১১টার দি...



মসজিদের ভেতরে মুসল্লিকে হাঁসুয়া দিয়ে কুপিয়ে জখম
নওগাঁর মান্দায় মসজিদের ভেতরে ঢুকে মামুদুর রশিদ মামুন (৩৮) নামের এক মুসল্লিকে হাঁসুয়া দিয়ে কুপিয়ে জখম করার অভিযোগ উঠেছে। শনিবার (১৫ আগস্ট) জো...



শোক দিবসে খিচুড়ি রান্নার সময় ইউপি চেয়ারম্যানসহ ২ জন গ্রেপ্তার
কুষ্টিয়ার ভেড়ামারায় শোক দিবস উপলক্ষে খিচুড়ি রান্নার সময় ইউনিয়ন পরিষদের (ইউপি) চেয়ারম্যানসহ দুই ভাইকে গ্রেপ্তার করেছেন পুলিশ।শনিবার (১৫...



ক্যাশলেস সোসাইটি বিনির্মাণে ব্রাহ্মণবাড়িয়ায় রূপালী ব্যাংকের রোড শো
ক্যাশলেস সোসাইটি বিনির্মাণে জনসচেতনতা তৈরির লক্ষ্যে ব্রাহ্মণবাড়িয়ায় রূপালী ব্যাংকের উদ্যোগে সচেতনতামূলক রোড শো
অনুষ্ঠিত হয়েছে। শনিবার (১৫ আগস্ট)....

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/saradesh/brahmnbariyay-1500-iyabash-dui-madk-karbari-greptar>